



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 89. Maximum, & Segnia ab Hispanis capta.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

remittunt, ac machinas quoque bellicas Segniam reduci imperant.

Sæcul. XVI.
A.C. 1557.

Verum Columna intellecta hac hostium imprudentia copias suas admovent, initoque certamine utrinque cum ingenti fortitudine, vincendique aviditate pugnatur: Tandem vero Montisbelli Marchio, cum equitatum suum ob loci angustias explicare haud posset, post grave a tormentorum dispendio acceptum damnum Segniam versus, quo tormenta jam præmiserat, iter intendit: Julius vero Ursinus accepto gravi vulnere captus est, totusque exercitus ad vicinam sylvam sese recepit.

§. LXXXIX.

Maximum, & Segnia ab Hispanis capta.

Cum Columna prosperum armorum successum fortius urgendum censeret, protinus Felsium cum suis copiis, ac tribus belli tormentis præmisit, ut Maximi arcem Joannis Ursini imperio subditam expugnaret, quæ etiam mox hostium arbitrio permissa, atque inhumane direpta fuit, inde vero Columna Segniam versus castra promovit, eo quod ad eum locum reliqua Pontificii exercitus nuper profligati pars unacum Marchione Monte-Bello Pontificis Nepote, belli tormentis, ac equitatu recesserit.

Porro

Sæc. XVI.
A. C. 1557.

Porro Columna sperabat, quod capta hac urbe, vicinisque agris penitus devastatis Palianum, cni Flaminius Stabia præerat, nullo negotio expugnaturus esset. Sub idem quoque tempus Hispani, & Germani Segniam suæ subjecerunt potestati, urbemque captam, direptamque cum ingenti strage incenderunt, major tamen rabies grassabatur in fœminas, quæ ad hanc civitatem veluti ad securitatis locum ex Anagnia, Verulo, Ferentino, & Alatrio, quæ vicina erant oppida, magno numero confluerant, captaque urbe ad Sacrarum Virginum cœnobia confugientes pariter cum cæteris injuriose habebantur, ubi etiam ægre ab incendio exigua admodum annonæ portio vindicari poterat, præter quatuordecim belli tormenta, quæ protinus Anagniam missa fuere: quinimo ipsummet Columnam, qui militis furorem coercere frustra tentaverat, commotum ferunt, sed multo magis Pontificem, quem Alexander Andreas, ubi de Segniæ excidio cognovit, in confessu Cardinalium hunc casum deplorasse scribit, & cum Palianum, imo ipsum Vaticanum mox petituros Hispanos putaret, atque eadem crudelitate erga ipsum usuros timeret, hæc verba usurpasse dicitur: cupio esse cum Christo, eoque animo martyrii coronam intrepidè

de expectare; perinde acsi in hac occasione de Dei causa ageretur.

Sæcul. XVI.

A.C. 1557.

§. XC.

Guisus Dux in Gallias redeundi copiam postulans.

Cum interea Albæ Dux in omnibus suis conatibus prospera admodum potiretur fortuna, Guisus Caraffis, eoquod eidem auxiliis antea promissis minime præsto fuissent, infensus esse cæpit, pariterque Cardinali Lotharingio fratri suo graviter indignabatur, cum hic ejus promissis nimia facilitate fidem adhibuisset. Hasce ob causas Guisus primas eo curas intendit, ut in Franciam redire posset, quapropter datis ad Regem literis revocari postulabat: cum autem Caraffenses haud temere vererentur, ne hujus Ducis discessu eorum rebus damnum inferretur, hinc rursus illum, ut eos haud derelinqueret, sollicitabant, suisque precibus ampla addebant promissa, quibus suos liberos in obsides, datæque fidei sinceræ pignus offerebant: nec his contenti, Strozium quoque in Franciam ablegabant, qui Caraffis obstrictus, eoquod ejus frater Laurentius horum ope Cardinalitiam adeptus fuisset dignitatem, tanta dexterritate rem agebat, ut literas a Rege impetraret, quibus Guisus Dux in Italia per-

Pallav. l. 14.

c. 3. n. 3.

Thuan. hist.

l. 18. n. 6.

hoc ann.